

(續日本紀三十六)天應元年七月癸亥、駿河國言、富士山下雨灰、灰之所及、木葉彫萎、

(日本紀略桓武)延曆十九年六月戊辰朔、日有蝕、癸酉、駿河國言、自去三月十四日迄四月十八日、富士山巔自燒、晝則烟氣暗暝、夜則火光照天、其聲若雷、灰下如雨、山下川水皆紅色也、
〔日本紀略桓武〕延曆二十一年正月朔、是日勅、駿河相模國言、駿河國富士山、晝夜恒燎、砂礫如霰者、求之卜筮、占曰、于疫、宜令兩國加鎮謝、及讀經以攘災殃、五月甲戌、廢相模國足柄路開宮荷途、以富士燒碎石塞道也、

(三代實錄八)貞觀六年五月廿五日庚戌、駿河國言、富士郡正三位淺間大神大山火、其勢甚熾、燒山方一二許里、光炎高二十許丈、有雷、地震三度、歷十餘日、火猶不滅、焦巖崩嶺、沙石如雨、煙雲鬱蒸、人不得近、大山西北有木栖水海、所燒巖石流埋海中、遠三十許里、廣三四許里、高二三許丈、火焰遂屬甲斐國堦、

(三代實錄九)清和貞觀六年七月十七日辛丑、甲斐國言、駿河國富士大山、忽有暴火、燒碎崗巒、草木焦熱、土鑠石流、埋八代郡本栖、并剗兩水海、水熱如湯、魚鼈皆死、百姓居宅與海共埋、或有宅無人、其數難記、兩海以東、亦有水海、名曰河口海、火焰赴向河口海、木栖剗等海、未燒埋之前、地大震動、雷電暴雨、雲霧晦冥、山野難辨、然後有此災異焉、

(三代實錄十)貞觀七年十二月九日丙辰、勅、甲斐國八代郡立淺間明神祠、列於官社、即置祝禰宣、隨時致祭、先是彼國司言、往年八代郡暴風大雨、雷電地震、雲霧杳冥、難辨山野、駿河國富士大山西峯忽有熾火、燒碎巖谷、今年八代郡擬大領無位伴直真貞託宣云、我淺間明神、欲得此國齋祭、頃年爲國吏成凶咎、爲百姓病死、然未曾覺悟、仍成此恠、須早定神社、兼任祝禰宣潔奉祭、真貞之身、或伸可八尺、或屈可二尺、變體長短、吐件等詞、求之卜筮、所告同於託宣、於是依明神願、以真貞爲祝、同郡人伴秋吉爲禰宣、郡家以南作建神宮、且令鎮謝、雖然異火之變、于今未止、遣使者檢察、埋剗海千許町、仰而見之、正